

## Pension

Text und Musik  
Jacob Stüchelberger

D A D A G

Da All-tag won i füe-ren isch im Grund gno höchst per - fyd i schaf-fen und i

6 D A D H Em

schuf-ten und i scheff-le wie nid gschyd und stram-ple für-'nes Fe-rie-hus und

11 A D Hm Em A7 D

für-'ne höch-re Lohn oh gop-frid-stutz wie freu-i mi uf my-ni Pen-si - on

## Pension

1. Dä Alltag won i füeren isch  
im Grund gno höchst perfyd  
i schaffen und i schuffen  
und i scheffle wie nid gschyd  
und strample für'nes Feriehus  
und für'ne höchre Lohn -  
oh gopfridstutz wie freui mi  
uf myni Pension
2. Hüt znacht zum Bispil tröimen i  
vom Bänkli vor em Hus  
druf höcklen i tubacken eis  
gseh richtig zfriden us  
chli schwätze bim'ne Glesli Wy  
da weckt mi ds Telefon - :  
oh heilandonner freu i mi  
uf myni Pension
3. I springen uf s'isch höchschti Zyt  
und wien e weis nid was  
seklen ig y ds Outo  
und de drücki voll uf ds Gas  
doch scho bim erschte Rotliecht  
gits e wüeschti Kollision -:  
oh stärkeheib wie freu i mi  
uf myni Pension
4. Und wills so lut het tätscht  
isch blöderwys e Tschugger cho  
dä het mer näbscht em Fahruswys  
ou grad no ds Outo gnoh  
und chum bin i im Büro  
heissts i mües uf Diräktion -  
oh läck du mir wie freu i mi  
uf myni Pension
5. My Patron wüetet, jitz isch gnue  
so chas nümme wyter gah  
i syg di gröschti Pumpi -  
und druf her er mi entla,  
wie chan arme Hudi  
existieren ohni Lohn?  
oh hätti nume d'AHV  
und myni Pension
6. Wos ändlech Abe wird da bini  
truurig müed und schlapp  
i wett i ds Bett - usgrächnet hüt  
holt mi mys Meitschi ab  
möcht unbedingt zum Tanze gah  
di munteri Person -  
kes Wunder freu i mi verruckt  
uf myni Pension
7. So han i mi bis Mitternacht  
mit Tanze dürequält  
de wott si uf my Bude cho  
das het mer grad no gfählt  
die het mit Schyn ke Ahnig  
vo myr gschwächte Kondition -  
söttigs cha mir nümme passiere  
nach dr Pension
8. Nid schlafe chönne, Outounfall  
nachär ohni Stell  
und z'letscht es Meitschi am mym Hals -  
dä Tag isch kriminell  
es himeltruurigs Dasy fühert  
my Generation -  
ja ds rächte Läbe das faht a  
erscht mit dr Pension